

SCRIPT OF EVENING GOJRI NEWS BULLETIN 1 JULY 1700 HRS

ایویننگ گو جری نیوز بلیٹن مورخہ 1 جولائی 2025

یوہ آکا شوانی جموں ہے عبیدلرحمان تے نصرت تیں خبر سُنو۔

HEADLINES

- ۱۔ لیفٹیننٹ گورنر منوج سنہا نے آج ایک اعلیٰ سطحی اجلاس غی صدارت کی تے دہشت گردی نال متاثر ہویا خانداناں غا کئی معاملات ور تبادلہ خیال کیو۔
- ۲۔ لیفٹیننٹ گورنر نے امرناتھ یاترا غا سلسلہ مانہہ کی گئی تیاریاں غو جائیزو لیو تے متعلقہ افسران نانہہ ہدایت کی کے وے سڑک ور آمدرفت متعلق ہدایتاں نانہہ عام کریں تانجے عوام نانہہ سفر غے دوران کائے مشکل پیش نہ آئے۔
- ۳۔ شرامرناتھ یاترا وستے آیا عقیدت مندان گو پہلو جتھو آئیندہ کل جموں تیں روانہ کیو جے غو۔
- ۴۔ بھدرواہ مانہہ بال پاڈری چراگا نانہہ پھلاں غی وادی غا طور ور پیش کیو جارہیو ہے تانجے سیاحت نانہہ بادو مل سکے۔
- ۵۔ بھارت غے اندر ڈیجیٹل انڈیا پروگرام گا 10 سال مکمل ہون ور خوشی منائی جارہی ہے۔

LG VICTIM FAMILIES

لیفٹیننٹ گورنر منوج سنہا نے آج ایک اعلیٰ سطحی اجلاس غی صدارت کی تانجے ان خانداناں غا مسائل ور غور کیو جاسکے جن گا عزیزاں غا پاکستانی مقیم دہشت گرداں نے قتل کردتو تھو۔ انہاں نے ضلع غا ڈی سی تے ایس ایس پی نانہہ ہدایت دتی کہ جان بوجھ غے بند کی اگیا کیساں نانہہ دوباری کھولیو جے ان ور آیف آئی آر درج کی جے تے شہیدا غا لواحقین نانہہ ترجیحی بنیاداں ور سرکاری نوکری دتی جے انہاں نے افسران نانہہ ہدایت دتی کہ دہشت گرداں یا ان گا حمایتاں غے ذریعے قبضہ کی گئی جائیداداں تے زمین متاثرہ خانداناں نانہہ واپس دوائی جے گی۔ لیفٹیننٹ گورنر نے یوہ وی کہیو کہ ان عناصر غی شناخت کی جے جھپڑا عام کشمیراں غا قتل مانہہ موٹ تھا۔ تے آج وی سرکاری محکماں مانہہ کم کر رہیا ہیں۔ ایل جی سکریٹ تے چیف سیکرٹری غا دفتر مانہہ ایک خصوصی سیل قائم کیو جے غو۔ تانجے دہشت گرداں تیں متاثر کانداناں غا مسائل سُن سکیں تے ان غو حل کڈیو جاسکے۔

LG AMARNATH YATRA

لیفٹیننٹ گورنر منوسنہا نے آج شری امرناتھ جی یاترا غا یاتریاں گو جائیزو لین واسطے ایک اجلاس غی صدارت کی انہاں نے افسران نانہہ ہدایت دتی کہ آمدرفت ایڈوازی نانہہ عام لوکاں توڑی برا پیمانہ ور پُجائیں تانجے کسے نانہہ کسی وی قسم غی کائے پریشانی پیش نہ آئے۔ ڈپٹی کمشنراں نانہہ ہدایت دتی گئی ہے کہ تمام رہائش مراکز صفائی غا یونٹ تے دیگر سہولیات مکمل طور ور تیار تے اچھی حالت مانہہ ویں جناب ایل جی نے یاتریاں غی حفاظت

تے وُسانی غا انعقاد ور زور دتو تے کہیو کہ تمام محکمہ باہمی تعاون تیں کم کریں تانجے
ملک بھر تیں آن آلا عقیدت مندان نانہ آرام دہ تے سہل سفر فراہم کیو جاسکے۔

DY CM AMARNATH

نائب وزیر اعلیٰ سریندر کمار چودھری نے اج شری امرناتھ گپھا ور حاضری دتی تے کہیو کہ
امرناتھ یاترا جموں کشمیر غا اتحاد تے بھائی چارہ غی عظیم مچال ہے ذرائع ابلاغ نال گل کرتا
واں موصوف نے کہیو کہ یاترا غی بنیاد جموں تیں وے تے اس غو مرکز کشمیر وے
سونامرگ مانہ ایک میٹنگی صدارت غے دوران نائب وزیر اعلیٰ نے یاترا وستے تیار کی
گئی سڑکاں تے رستاں غو جائیزو لیو۔ اس دوران موصوف نے سرحدی سڑک تنظیم غی طرفوں
کیا گیا مثالی کام غی تعریف کی اس موقعہ ور بولتا مانہ نائب وزیر اعلیٰ سریندر کمار
چوہدری نے اس طرح کہیو۔

CS BHAGWATI BASE CAMP

سالانہ شری امرناتھ جی یاترا واسطے تمام انتظامات مکمل کرلیا گیا ہیں جھپڑی 3 جولائی تیں
شروع ہون آلیہے یاترا غو پہلو قافلو جموں گا بھگوتی نگر بنیادی کیمپ تیں روانہ وے
غوجیف سیکرٹری اٹل ڈلو نے بنیادی کیمپ تے یاتری نواس مانہ سہولیات غو معائنو کیو
تے صوبائی کمشنر رامیش کمار ڈپٹی کمشنر جموں سچن کمار تے پولیس غا انسپکٹر جنرل
بھیم سین توٹی سمیت اعلیٰ افسران غے نال تفصیلی میٹنگ کی چیف سیکرٹری نے دسیو کہ
حفاظت غا انتظامات رہائش خوارک صحت غی سہولیات تے آر ایف آئی ڈی ٹریکنگ سمیت
تمام انتظامات مکمل ہیں۔ ذرائع ابلاغ سنگ گل کرتا واں انہاں نے اس طرح کہیو۔ تے اس دوران
یاترا واسطے کیا گیا انتظامات غا بارا مانہ بولتا واں ایک یاتری نے اس طرح کہیو۔

BHAL PADRI DODA

ضلعی انتظامیہ نے بلند پہاڑی چراگاہ بل پاڈری نانہ جموں کشمیر غو اگلو بڑو سیاحتی منزل
غا طورور فروغ دین غو منصوبو بنایو ہے یوہ مقام ضلع سدر دفتر تیں 47 کلو میٹر غا فاصلہ ور
واقع ہے تے 11 ہزار فٹ غی بلندی ور واقع ہے بل پاڈری اپنا منفرد پودا تے خوبصورت قدرتی
مناظر واسطے جانیو جے حال پی مانہ ات توڑی سڑک غی رسائی حاصل ہوئی ہے جس تیں
بعد یوہ پہلو ناقابل رسائی وادی گل ہن بدرواہ چمبہ بینالریاستی سڑک غے ذریعے آسانی سنگ
پُجن غے قابل ہوجے غی۔ ڈی سی دوڈہ ہرویندر سنگھ نے سیاحاں تیں اپیل کی ہے کہ اس
جگہ غی قدرتی خوبصورتی تے قبائلی ثقافت غو لطف چائیں انہاں نے مزید اس طرح کہیو۔

DIGITAL INDIA

ڈیجیٹل بھارت پروگرام غا 10 سال مکمل ہونور پورا بھارت مانہ خوشی غو ماحول ہے
بھارتیہ وزیر اعظم نریندر مودی نے سال 2015 مانہ ڈیجیٹل بھارت پروگرام غی شروعات کی

تھی اس پروگرام غو مقصد ٹیکنالوجی غا استعمال نال شہریاں غی روزمرہ زندگی نانہہ آسان بنانو ہے ایک سوشل میڈیا پوسٹ ور وزیر اعظم نریندر مودی نے کہیو کہ اج غو دن تاریخی اہمیت رکھے تے اج بھارت نے ڈیجیٹل بھارت پروگرام غی 1 دہائی مکمل کرلی ہے جناب مودی نے کہیو کہ اس پروگرام غو مقصد بھارت نانہہ تکنیکی سطح ور ترقی دینو تھو تے اج دس سال بعد ملک نے ان گنت افراد نانہہ ڈیجیٹل تکنیکاں گا میدان مانہہ باختیار بنایو ہے ت یوہ سب 140 کروڑ عوام غی سانجے کوششان گو نتیجو ہے ڈیجیٹل بھارت پروگرام غو 10 سال مکمل ہون ور گجھ افراد نے اپنا خیالات سانجہ کرتا وں اس طرح کہیو۔

GASTRO RAJOURI

ضلع راجوری گا سب ڈویژن کوٹرنکا غا گراں ڈار ساکری مانہہ پانی مانہہ موجود انفیکشن نال پھیلی بیماری گیسٹرو انٹراٹس غا معائنہ کاطر ضلع انتظامیہ راجوری نے ایک خصوصی طبعی کیمپ گو انعقاد کیو جس دوران مقامی لوکاں غا مفت معائینہ تیں علاوہ لوکاں مانہہ مفت دوائی وی تقسیم کی گئی۔ اس کیمپ غے دوران داکٹر تے طبعی ماہرین عوام غے اندر پانی نال پھیلی اس بیماری متعلق بیادری پیرا کر رہیاں تے موقعہ ور ممکنہ علاج وی کیو جارہی وے مارا ضلع نمائندہ نے خبر دتی ہے کہ گراں غے اندر پانی غی 3 باولیاں ناہہ احتیاطی طور ور مکمل بند کیو گیو ہے۔ اسے دوران مذکورہ گراں تیں حاصل کیا گیا پانی غا نمونان مانہہ ای کولائی جراثیم غی موجودگی ثابت ہوگئی ہے تے اس ضمن مانہہ مزید ٹیسٹ تے جانچ کی جارہی ہے۔

TAWI ARTI

جموں مانہہ توی دریا غا چوتھا پل غے کہے کنڈے روزانہ شام 7 بجے توی آرٹی گو پروگرام منعقد وے غو اس آرٹی گو مقصد علاقہ غا چقافتی ورثہ تے آپسی اتحاد نانہہ مزید مضبوط بنانو ہے اس دوران کئی طرح غا منتر پڑھا جئیں غا تے دیا روشن کیا جیں گا مقامی لوکاں تے سیاحان ناہہ اس تقریب مانہہ شامل ہون غی دعوت دتی ہے۔ اس سلسلہ مانہہ لوکاں غی بھیڑ نانہہ قابو کرن تے عوامی تحفظ غا بہترین انتظام کیا گیا ہیں۔

MACHAIL MATA

شری مچھیل ماتا یاترا 25 جولائی تیں شروع ہون جارہی ہے تے اس حوالیہ تیں ضلع کشتواڑ مانہہ انتظامیہ نے یاتریاں واسطے محفوظ تے آسان سفر نانہہ یقینی بنان واسطے تیاریاں نانہہ تیز کیو ہے اے آر ٹی او کشتواڑ تسلیم جاوید وانی نے اعلان کیو کہ کشتواڑ پاڈر سڑک غا تنگ حصاں ور ٹریفک غی روانگی نانہہ بہتر بنان واسطے پاری گڈیاں غی پارکنگ ور پابندی عائد کردتی گئی ہے صرف اندراج شدہ تے مکینکی طور ور درست گڈیاں نانہہ ہی اجازت دتی ہے غی تے حادثہ غا خطرہ آلی جگہاں نانہہ محفوظ بنان واسطے اقدامات کیا جارہیا ہیں یاتریاں غی مدد واسطے مخصوص ہیلپ لائن نمبر وی جاری کیا گیا ہیں آکاشوانی غا خبراں آلہ شعوبہ سنگ گل کرتا وں اے آر ٹی او کشتواڑ تسلیم وانی نے اس طرح کہیو۔

NEWS READ BY ABAID UR REHMAN
NEWS READ BY NUSRAT
NEWS EDITOR ABHILASHA SHARMA
TECH ASST RAJESH
DEO NUSRAT